

Gálatas

**Pablo Galacia luaroca
ošbuáchiyënga jacheuayama**

1 ¹⁻² Atše Pablo, quem tsuanácha sentsabiamná Jesucristbeñe ošbuáchiyëngbiama, chë Galacia luaroca ošbuachiyëngcá enefjuanëngbiama. Jesucristo y Bëngbe Bëtsá, chë Taitá, nda tojanma Jesucristo cháuatayenama, chata šmonjanchembo chatbe ichmoná jtsemnana. Ndocna entšá chešnátanabuayana atše Cristbe ichmoná jtsemnana; ni Jesucristo, ni Bëngbe Bëtsá ndocna entšá tbonjanichmó atše chatbe ichmonacá jabuábuayanama. Atše y chë ínÿenga Jesucristbeñe ošbuáchiyënga átšeftaca montsemnënga, tšëngaftanga cbontsacheuaná. ³ Atše séntseimpadana Bëngbe Bëtsá Bëngbe Taitá y Bëngbe Utabná Jesucristo, chaboma tšabe bendicionënga tšëngaftangbeñe chaotsemnana, y chaboma tšëngaftangbe ainaniñe tšabe ebionana chašmotsebomnana. ⁴ Cristo chabe derecho vida jtsobomñana cachcá tojanonÿá y tojanóbana, bëngbe bacna soyënguentšana játsebacama, y bënga chamotsobena jtsiyenama ndoñe ntšamo quem tempo entšanga imoyencá, puerta bacna soyënga imojtsama ora. Cristo tojanóbana ora, tojanma ntšamo Bëngbe Bëtsá, Bëngbe Taitá endméná yojanbošcá.

⁵ Nÿetscanga nÿetsca tescama Bëngbe Bëtsá chamotsatschuaná. Chca chaotsemna.

**Nÿe canÿe ndegombre buayenana
soyënga Cristbiama endmëna**

⁶ Atše ainanoca inÿetšá šontsebiona, er nda nanjouena, tšëngaftanga nÿe baseftayshinÿe y ya juabna šmojatstrocá y Bëngbe Bëtsá stëtsoye šmojtsequedá, nda tšëngaftanga tcmojáchembo chabe entšanga chašmotsemnana. Cha chca tojanma Crísbeyeca, er mua puerta tšabia tšëngaftangaftaca enjamna. Tšëngaftanga Bëngbe Bëtsá stëtsoye šmojtsequedá, ínÿengbe buayenana soye jouenama, y chë ínÿenga jtsichámuana chë buayenana soyënga chë tšabe noticiënga canmëna ca. ⁷ Ndegombre, ndoñe quenátsmëna inÿe ndegombre buayenánana. Ntšamo entsopasancá mëntšá entsemna: báseftanga montsama tšëngaftanga ndoñe natjëmbana ainánaca chašmotsiyenama, y becá montsama chë Cristbiama tšabe noticiënguentšë, ba ndegombre soyënga jtsejuánama, inÿe soyënga jacjayama. ⁸ Nderado bënga o canÿe celoca ángel soyënga cmojtsabuayiná, y ndoñe totsemna mo chë tšabe noticiënga bënga tempo tcbonjanabuayenacá, as chë chca tojtsamabiama iBëngbe Bëtsá chaoma infiernoca becá chaosufrima! ⁹ Tempo

ya chca sĕnjánayana; mora cachiĕne ſcutétayana: Nderado nda soyĕnga cmojtsabuayiyiná, y ndoĕne tontsemna mo chĕ tšabe noticiĕnga, ntšamo tempo ſmonjanoyĕngacñĕcá, iBĕngbe Bĕtsá chabiamana chaoma infiernoca puerte chaosufrima!

¹⁰ Atše chca stjayana ora, ĩtšĕngaftanga cmojtsinŷana atše soyĕnga stsama entšanga oyejuayĕnga átšeftaca chamotsemnana? Ndoĕne chca quenátsmĕna. Atše sĕndboše ndayá Bĕngbe Bĕtsá átšeftaca oyejuayá chaotsemnana. Entšanga oyejuayĕnga chamotsemnana, atše cabá soyĕnga stsamĕse, atše ya ndoĕne Cristbe canŷe oservená stsemna.

**Ntšamo Bĕngbe Bĕtsá Páblĕbioye
tbojanchembo, Jesucristbe
ichmoná jtsemnana**

¹¹ Atše sĕntseboše tšĕngaftanga, Jesucristbeyeca atšbe catšátanga, chašmotsetátšĕmbo chĕ tšabe noticiĕnga ntšamo sĕndabuayiyinacá quem luarentša entšangbe juabnentšana ndoĕne yondóbocanama. ¹² Ndocna entšá chĕ tšabe noticiĕnga chešnatanbuayená, ni chešnatanbuatĕmbá, ndayá cach Jesucristo ſonjaninŷinŷé.

¹³ Tšĕngaftanga ſmojátatšĕmbona ntšamo atše tempo tsjanamana jtsiyenana, ntšamo judiĕnga Bĕngbe Bĕtsá mondadorancá atše cha sĕnjanadorana ora, ntšamo atše becá tsjánamama chĕ ošbuachiyĕngcá enefjuanĕnga puerte chamosufrima, y ntšamo atše becá tsjánamama ndocná Jesucristbeĕne chaondĕtšoſbuáchema. ¹⁴ Atše inŷe judiĕnga cach atšcá uata bomnĕngbiamana más sĕnjánama Bĕngbe Bĕtsá adórayiĕne, ntšamo judiĕnga cha jadórana monduamancá, y atše nŷets añémoca tša sĕnjantšĕna

jtsamama ntšamo bĕngbe bĕts taitanga básenga jabuátambama monjanamancá. ¹⁵ Pero Bĕngbe Bĕtsá atšbe tšabiamana yojanjuabná, y chíyeca, atše cabá ndonŷna ora, canŷe bĕts soyama cha ſojanbocacá. ¹⁶ Y cha tojánbošĕna ora, ſonjaninŷinŷé ntšamo ndegombre chabe Uaquiĕná yomnana, y ſonjanchembo. Cha chca tojanma, atše chĕ tšabe noticiĕnga ndoĕne judiĕngbeĕne chayábuayenama. Y atše ndocnábioye chiyataná ndayá jamama ſojtsanmĕnana chašobuayenama; ¹⁷ y Jerusalenoye cach ndoĕne chiyataná chĕ atšbiamana más natsana Jesucristbe ichmónĕnga imojamnĕngaftaca jencuĕntama. Chamna, cachora Arabia uabaina luaroye sĕntsanoĕne, y chentšana Damasco bĕts puebloye sĕntaná.

¹⁸ Jesucristbeĕne jtšoſbuáchiyama sĕnjanóntša orscana, unga uatĕse Jerusalenoye sĕnjána Pédroftaca jencuĕntama, y cháftaca nŷe uta semana sĕnjĕftsemna. ¹⁹ Y ndocna chĕ Jesucristbe inŷe ichmónĕnga chiyáisananŷe; nŷe Santiago aĕne, Bĕngbe Utabnabe catšata. ²⁰ Bĕngbe Bĕtsá ſontsonŷá, ntšamo tšĕngaftanga cbontsĕtsĕsnacá ndegombre bĕtsemnana.

²¹ Jerusalenocana sĕnjĕftsanbocnentšana, Siria y Cilicia luarĕngoye sĕnjána. ²² Pero chĕ tempo, chĕ Jesucristbeĕne ošbuáchiyĕnga Judea luarĕne bomínŷyeca ndoĕne quešmĕnjatanábuatma. ²³ Nŷe ínŷyengbioye imojtsayaunana: “Nda tempo bĕnga puerte chamotsesufrínama enjanamá, mora entšanga entsabuayiyiná, Jesucristbeĕne jtšoſbuáchiyama caojtsamna ca. Y tempo cha tša enjánboše jamama entšanga Jesucristbeĕne ndoĕne chamondĕtšoſbuáchema ca” —chĕnga

imojtsichamo. ²⁴Y entsanga Bèngbe Bètsá imojtsatschuanaye, ndayá cha atšbiajana tojanmama.

Chè inÿe ichmonènga tmojánayana Pablo aínè tšabá yojtsama ca

2 ¹Jerusalenoye sènjána orscana bnètsana canta uatèse, cachíne choye sènjesaná. Bernabé šonjantjèmbambá, y Tito bèndátaftaca fsènjéftsanbetše. ²Choye sènjána, choye jama šojamnama Bèngbe Bètsá šonjaninÿanyéyeca. Atše nÿe ché Jesucristbeñe ošbuáchiyèngbiana uámanènga imojamnéngaftaca sènjanencuentá, ínÿengaftaca ndoñe; y ché tšabe noticièngama ché ndoñe judièngbeñe sèndabuayiyinama chènga sènjanacuntá. Chca sènjanma atše jtsetatšèmbuama, ntšamo tijanma y sènjéftsamcá ndoñe nÿe bonamente yonjamnama. ³Pero chènga tmonjánayana atše aínè tšabá tijanma ca, y Tito, ché átšeftaca enjamná, masque Grecia luarocá enjamna, chènga ndoñe chematanmandá base bobachtema ché más delicadentše tètšená chaotsemnama, ntšamo judiènga monduamancá, Bèngbe Bètsábenga imomnama chaotsinÿyama. ⁴Chca tonjanopasá, masque ínÿenga monjánboše Tito base bobachtema ché más delicadentše tètšená chaotsemnama. Chènga tmonjánayana bèngcá Jesucristbeñe ošbuáchiyènga imojamna ca, pero ndoñe chca quemènjatsmèna. Chènga ché Jesucristbeñe ošbuáchiyèngaftaca tmojanenutaná, ndayá yojtsanopasánama ché ošbuáchiyènga ntsetatšèmbcá, mo ché ošbuáchiyèngbiana bacna soyènga jamama cuafseitèmena cuenta. Chènga tmojánabo jtsetatšèmbuama ntšamo Jesucristo bènga atsebácanènga

šojánabiamama, ché judièngbe leyèngaca ndèmandánènga, cháftaca cánÿiñe mo canÿacá jtsemnèse. Chènga chca tmojanma, er chènga imojtsanboše jamana, bènga ché judièngbe leyèngaca nÿets tempo mandánènga chamotsiyenama. ⁵Pero bènga ndocna ora fchiyátanayana aínè ca ché ntšamo chènga monjánichamo bènga šojánamna jamama soyèngama, er bènga becá fsènjánboše tšèngaftanga nÿets tempo Jesucristbe ndegombre tšabe noticiènga chašmotsóbomñama.

⁶Pero ché ndèmuanyèngbiana entsanga monjánichamo ché uánatsanènga imojamna ca (ndayá chènga tempo imojamna atšbiana ndoñe quenátamana; Bèngbe Bètsabiana nÿetscanga cachcá monduámana), chèngna tondaye chešmatanbuayená, ntšamo tempo tijanmama inÿetšá chaimama. ⁷Masna, chènga tmonjántatšèmbona, Bèngbe Bètsá ché tšabe noticiènga ndoñe judiènga jábuayenama trabajo atše jamama šojanèntšabuáchema, ntšamo judiènga jábuayenama cachcá Pédrèbioye tbojanèntšabuachecá. ⁸Er Bèngbe Bètsá atše chabe ichmoná šonjábema, ndoñe judiènga chabiana jábuayenama, ntšamo cachá Pédrèbioye chabe ichmoná tbojanbemcá, judiènga chabiana jábuayenama.

⁹Santiago, Pedro y Juan, ché ošbuachiyènguentša uánatsanènga, atše canÿe bèts trabajo chaitsebomnama Bèngbe Bètsá tojanmama tmonjántatšèmbona ora, cucuatše šontanatšataye atše y Bernabèbioye, jinÿinÿiyama chènga šojanébuajama mo cachèngbe trabajo amatcá. Y fsènjanenoyeuná bèndata jama, masna ndoñe

judiënga jtsabuayiyayama trabajo jamama, y chëngna judiëngbeñe.

¹⁰ Chënga nÿe šonjanaimpádaye chë ošbuáchiyënga ndbomnjémënga Jerusalenoquëngbiama jtsenójuabnayama; y atše bëtsca séntsama chënga jujabuáchama.

**Pablo Antioquioca Pédrëbiama
tojánayana cha ndoñe
tšabá tojanma ca**

¹¹ Pero Pedro Antioquía bëts puebloye tonjánabo ora, chabe delante sënjánayana cha ndoñe tšabá tojanma ca, er ntšamo enjanamcá ndoñe tšabá quenjatsmëna. ¹² Mëntšá tonjanopasá: Santiago básefta entšanga Antioquiöyë tojanichmó, pero chënga cabá choca ndáshjajna ora, Pedro yojanamana chë ndoñe judiënga ošbuáchiyëngaftaca jtsesayana. Pero chë entšanga tmojánashjajnentšana, Pedro tojtsanajbaná chëngaftaca sayana y encuéntayana. Cha chca tojanma, ntšamo chë ndoñe judiënga ošbuáchiyënga, chë base bobachtema chë más delicadentše tétšenënga jtsemnama yojánamna ca tmojánayanënga, chabiama muanjájuaboyama yojtsauatja causa. ¹³ Chë inÿe judiënga ošbuachiýëngnaca tmojanontsé amana cachcá ntšamo Pedro yojtsamcá, jtsamëse ntšamo chënga imojántatšëmbo chca jamama ndoñe yonjanamncá. Y Bernabénaca, ntšamo chënga imojtsamcá jtsonÿayëse, chëngcá yojtsama, jtsamëse ntšamo cha yojántatšëmbo chca jamama ndoñe ibonjamncá. ¹⁴ Chënga ndoñe quemënjátaniyena jtsamëse ntšamo yojanamncá, ntšamo chë Jesucristbe tšabe noticiënguentša ndegombre soyënga endmëncá. Chca sënjáninÿe ora, Pédrëbioyë nÿetsca ošbuáchiyëngbe delante sënjanianya:

“Aca canÿe judío, mo ndoñe judío bendmëncá cojtsiyena, y ndoñe ntšamo chë judiënga jamama monduamancá; chcasna, ðntšamo catjobenaye jamana chë ndoñe judiënga ošbuáchiyënga mo chë judiëngcá chamotsiyenama ca?”

**Bëngbe Bëtsá judiënga y
ndoñe judiënga játsebacana,
Jesucristbeñe tmojtsošbuáchema**

¹⁵ Bënga judiënga fsëndmëna, bëngbe bëtsétsanga judiënga monjámnyeca, y ntšamo judiënga chë ndoñe judiëngbioyë mondubobuatmca, chë “bacna soye amënga ca”, ndoñe queftsátsmëna. ¹⁶ Y bënga mondétatšëmbo, canÿe entšá Jesucristbeñe tojtssošbuáchema, Bëngbe Bëtsá jamana cha chabe bominiÿine tšabia chaotsemnama, y Bëngbe Bëtsá ndoñe chca ntjamana, ntšamo chë judiëngbe leyënguiñe jamama yomna ca iuayancá chë entšá tojamama. Y bëngnaca Jesucristbeñe imojtssošbuaché, Bëngbe Bëtsá chaomama bënga chabe bominiÿine tšábënga chamotsemnama, pero ndoñe ntšamo chë judiëngbe leyënguiñe jamama yomna ca iuayancá bënga tmojamama. Er Bëngbe Bëtsá ndocna ora ntjamana canÿe entšá chabe bominiÿine tšabia chaotsemnama, ntšamo chë judiëngbe leyënguiñe iuayancá jamama ibomna ca cha tojamama.

¹⁷ Pero, bënga bëtsca mondënguá, Bëngbe Bëtsá chaomama bënga chabe bominiÿine tšábënga chamotsemnama, bënga Crísoftaca cánÿine mo canÿacá jtsemnëse, chábeñe imošbuáchema. Chca mondošbuaché, bënga chë bacna soyëngama perdonánënga chamotsemnama. Pero inÿe entšanga jtsichámuana bënga bacna soyënga amënga imomna

ca, ntšamo chë Moisesbe leyiñe iuayancá ndoñe montsama causa. ¿Y chca, Cristo bacna soye amënga šuabiamná ca nántsayana? ¡Ndoñe, ndegombre ndoñe! ¹⁸ Atše, ntšamo Bëngbe Bëtsá šojaninýinýecá, chë šojtsemna jájbanama soyënga, cachiñe jajuaboyama y jamama stëtontšese, mo chë Moisesbe ley jtsocumplínana perdonánënga jtsemnana, atše stsemna mo nda ndayá cachá tojtsendbema y cachiñe tojtëtsjebuanacá; y ndegombre, atše stsemna canýa ntšamo ndoñe tšabá yondmëncá amá. ¹⁹ Chë judiëngbe leyëngaca atše sëndétatšëmbo, ntšamo chë leyënguiñe iuayancá stsamëse, Bëngbe Bëtsá ndoñe yochanjama atše chabe bominyiñe tšabia chaitsemnana; y chca, atše jtsemnana mo obanacá chë castígoca, er chë leyentša mandënga stsamëse, ndoñe quetsátobena atsbocaná jtsemnana. Chë léyeca ndoñe más mandaná ntsemnana jtsebošëse, atše cachcá chë ley sënjanonýá, Jesucristbeñe jtsošbuáchiyama; y chca, atše chaitsobena jtšiyenana Bëngbe Bëtsá jtse servënëse. Atše Crísoftaca cányiñe mo canýacá sëndmënayeca, Cristo cruciñe tojanóbana ora enjamna mo átsnaca cuafjobancá; ²⁰ y mora entsemna mo nýe atše ya ndoñe cuaftsiyencá, Cristo becá vida atšbe ainaniñe entsebómnyeca. Y ntšamo mora atše vida sëntse bomncá, entsemna atše chë Bëngbe Bëtsabe Uaquiñábeñe betsošbuáchiyama, nda šojánbobonshana, y chabe derecho vida jtso bomñama cachcá tojanonýá y atšbe tšabiana tojanóbana. ²¹ Atše ndoñe quetsátobotena ntšamo Bëngbe Bëtsá entsangbe tšabiana juabna yobomncá. Nderado Bëngbe Bëtsá tojama canýe entsá chabe bominyiñe

tšabia chaotsemnana, ntšamo chë leyiñe jamama yomna ca iuayancá cha tojtsamama, as Cristo nýe tondayama matënjanóbana.

**Ley jtso bedecënëse o
Jesucristbeñe jtsošbuáchiyëse**

3 ¹ ¡Tšëngaftanga Galacientša entsanga, yapa ndenójuabnayënga! Entsemna mo nda tcmojtsabocjuanacá, tšëngaftangbe juabna tojtsetrocá. Ndoñe quešnátesertana ntšamo chca nanjopása, er cach atše botamana cbonjanabuayinýá, Jesucristo cruciñe tojanóbana. ² Atše sëntseboše nýe canýe soye atše chašmëyana: ¿Uámana Espiritu tšëngaftangbe ainaniñe tojánamashëngo jtsemándayama, tšëngaftanga ntšamo chë leyiñe jamama yomna ca iuayancá šmojamama, o tšëngaftanga chë tšabe noticiënga šmojanuena y chiñe šmojtsošbuáchemo? ³ ¿Ndáyeca tša ndenójuabnayënga šmomna? Bëngbe Bëtsabe Espiritbeyeca tšëngaftanga šmonjanontšë mo tsmëma entsangcá jtsemnana. ¿Y mora šmojtseboše tšëngaftangbe vidënga jachnënguama nýe entsangbe juabnëngaca jtšiyenëse? ⁴ ¿Nýetsca soyënga ndayëjana tšëngaftanga šmojachnëjna, tondayama tonjoservé? Ndegombre chca ndoñe taiuatsmëna. ⁵ Bëngbe Bëtsá, chë Uámana Espiritu tšëngaftangbe ainaniñe cháumashënguama tojanma ora, y tšëngaftangbeñe bëts soyënga chaopasama tojama ora, ¿ndáyeca chca nanjama? ¿Tšëngaftanga ntšamo chë leyiñe jamama yomna ca iuayancá šmojtsamama, o tšëngaftanga Jesucristbe tšabe noticiënga šmojanuena y chiñe šmojtsošbuáchemo? ⁶ Menójuabonga ntšamo Abraham tojanpasama. Bëngbe Bëtsabe uabemana palabrënguiñe mëntšá

endayana: “Cha Bëngbe Bëtsábeñe yojtsošbuáchiye, y chíyeca Bëngbe Bëtsá tonjánayana cha chabe bominýiñe tšabia yojamna ca.”

⁷Chíyeca tšëngaftanga cmontsamna jtsetatšëmbuana, Bëngbe Bëtsábeñe ošbuáchiyënga mondmëna mo Abrahám bentshana entsàngcá, cachcá ošbuáchiyana bëtsebomnama, chë chábentshana ndegombre entsàngbiamama. ⁸Bëngbe Bëtsabe uabemana palabrenguñe endopodena jualáma, Bëngbe Bëtsá yochjanma chë ndoñe judiënga chabe bominýiñe tšábenga chamotsemnama, chábeñe tmojtsošbuáchema ca. Y Bëngbe Bëtsabe uabemana palabrenguñe, cabá chca ndëma ora, Bëngbe Bëtsá Abrahám bioye quem tšabe noticiënga tbojanbuayená: “Acbeyeca, atšë chanjama nyetsca quem luarentša entsànga tšabe bendicionënga chamotsebomnama ca.” ⁹Bëngbe Bëtsá tojanma Abraham ba tšabe bendicionënga chaotsebomnama, cha chábeñe yojtsošbuáchema. Chca, Bëngbe Bëtsá, chábeñe ošbuachiyëngbiámnaca ba tšabe soyënga jamana, cachcá ntšamo Abrahambiana tšabe soyënga tojanmcá.

¹⁰Chë Bëngbe Bëtsá chabe bominýiñe tšábenga yochjábiamaca juabnyënga, ntšamo leyiñe jamama yomna ca iuayancá lempe tmojtsobedecénama, chënga nyets tempo jtsiyenana jtsetatšëmbëse Bëngbe Bëtsá nyetsca tescama chënga yochjácástigayama. Er Bëngbe Bëtsabe uabemana palabrenguñe mëntšá endayana: “Bëngbe Bëtsá jayanana nyetsca tescama castigo chaotsebomna ca, nda nyets tempo ndoñe tontsama nyetsca mandënga ntšamo chë leyënguñe iuabemancá

ca.” ¹¹Ndegombre, puerte tšabá entsinýinýena, Bëngbe Bëtsá ndoñe yochanjama ndocná chabe bominýiñe tšabia chaotsemnama, ntšamo chë leyiñe jamama ibomna ca iuayancá tojtsobedecënëse. Chca ndegombre endmëna, er Bëngbe Bëtsabe uabemana palabrenguñe mëntšá endayana: “Nyë ndabiamama Bëngbe Bëtsá tojama chabe bominýiñe tšabia chaotsemnama, cha Bëngbe Bëtsábeñe betsošbuáchema, cha ndegombre chë nyetsca tescama yomna tšabe vida echántsebomna ca.” ¹²Jtsamana ntšamo chë leyënguñe jamama yomna ca iuayancá, ndoñe quenátsmëna mo Bëngbe Bëtsábeñe cuaftsošbuachecá. Ntšamo Bëngbe Bëtsabe uabemana palabrenguñe endayancá: “Nda tojtsama nyetsca mandënga ntšamo chë leyënguñe endayancá, tšabe vida echántsebomna, nyets tempo chë leyëngaca mandaná ca.”

¹³Pero, Cristo jóbanama ibojamna ca tmojánayanama, y cha bëngbe causa chca chamomama chënga tojanalesénciayeyeca, Cristo tojama bënga nyetsca tescama castigánënga ndoñe chamondëtsemnama, ntšamo chë leyiñe iuayancá ndoñe tmontsama causa. Ntšamo Bëngbe Bëtsabe uabemana palabrenguñe endayancá: “Nyetsca tescama castigo chaotsebomna, nda canýe niñëšinë tmojajonýá chaóbanama cha ca.” ¹⁴Chca tojopasá, Bëngbe Bëtsá chaomama, chë tšabe bendicionënga ntšamo cha Abrahám bioye tbojanšbuachenacá, ndoñe judiëgnaca chamotsebomnama, Cristo Jesús beyeca; y Jesucristbeñe ošbuachiyánaca, Bëngbe Bëtsá chaomama chë Uámama Espiritu bëngbe ainaniñe cháumashëngo jtsemándayama, ntšamo Bëngbe Bëtsá tojanašebuachenacá.

**Ndocna ley quenátobena
Bèngbe Bètsabe šbuachenana
soye jatrócama**

¹⁵ Jesucristbeyeca catšátanga, chë ndayá sèntsichamcá endmëna ntšamo nyets tempo entšángbeñe endbetsopasancá. Uta entšata tbojenoyeuná canye trato jénbemama, y ntšamo tbojenšbuachenacá chaotsinýnama chatbe uabaina tsbuanáchañe tbojuábemëse, ndocná inýa más ntobenanana jayanana ntšamo tbojentratacá ndoñe yontsoservena ca; y inýe soyënga chiñe jacjayama cach ndoñe. ¹⁶ Chcasna, Bèngbe Bètsá ba soye Abrahámbyoye tbojanšbuachená puerte tšabe bendicionënga chabiamama, y chabe entšanguentšana canýabiámnaca. Y Bèngbe Bètsabe uabemana palabrenguiñe ndoñe quenátayana: “chabe entšanguentšëngbiámnaca ca”, mo Bèngbe Bètsá ba entšangbiama cuaftsichamcá; sinó mëntšá endayana: “acbe entšanguentšana cánýabiamama ca”. Y chca entsayana, nye canye entšá ca; y cha endmëna Cristo. ¹⁷ Atše ndayá mëntšá cbontsëtsëtsná: Natsana, Bèngbe Bètsá Abrahánoftaca canye trato tojánbema, y tbojanianyana “añe ca”, ntšamo tbojanšbuachenacá jamama. Chentšana canta patse y unga brétsana uatëse, Bèngbe Bètsá Moisesbe cucuatšinë chë leyënga tbojanántšaboshjona; chíyeca, chë leyënga ndoñe ntobenanama jamana chë Bèngbe Bètsá Abrahánoftaca tojánbema trato ndoñe chaondëtsosevénama, ni jamana ndayá Bèngbe Bètsá tojanšbuachenacá ndoñe chaondëtsosevénama. ¹⁸ Er ndayá Bèngbe Bètsá chabe entšanga tojatsatacá, tojtsemna chënga ntšamo chë leyinë jamama yomna ca iuayancá

tmojtsamama, chca, chë tšetana soyënga ya ndoñe nantsóbocana ndayá Bèngbe Bètsá jamama tojanašebuáchenantšana. Pero ba tšabe bendicionënga Abrahambiamama jamama, Bèngbe Bètsá tbojanšbuachenáyeca, Bèngbe Bètsá chë soyënga Abrahambiamama tojanma.

¹⁹ Asna, ¿ndayama chë Moisesbe ley nantsosevëna? Bèngbe Bètsá chë leyënga tojanáboshjona, ba tšabe soyënga jamama Abrahámbyoye tbojanšbuáchenantšana baytese. Bèngbe Bètsá yojanjuabná chë ley chaoservé entšanga jinýanyiyama ndayá tšabá o ndoñe tšabá jamama bëtsemnama, chë Abrahámbytšana Uámama Entšá jashjanguëntscuana, ndabiamama Bèngbe Bètsá Abrahámbyoye tbojanšbuachená ba tšabe bendicionënga jamama. Bèngbe Bètsá angeléngaftaca chë ley Moisesbe cucuatšinë tbojanántšaboshjona, y chë entšá Moisés enjamna chë oyebuambnayá Bèngbe Bètsáftaca y entšángaftaca. ²⁰ Uta entšata canye trato jénbemamna, jtseytana inýe entšá chë uta entšátaftaca chaóyebuambama; pero Bèngbe Bètsá Abrahámbyoye ba tšabe soyënga jamama tbojanšbuachená ora, nye canya chca tojanma, y ndoñe bonjanájaboto inýa chabiamama Abrahánoftaca chaóyebuambama.

Ndayama chë ley yomna

²¹ ¿Chca nántsayana, ntšamo Moisesbe leyinë iuayancá, chë Bèngbe Bètsá tojanšbuachená soyëngama contra yomna ca? ¡Ndoñe, ndegombre ndoñe! Bèngbe Bètsá entšangbe cucuatšinë canye ley tojanáboshjona, y chë ley tojtsobena jamana entšanga ndegombre tšabe vida chamotsebomnama, as Bèngbe

Bëtsá nanjama entšanga chabe bominyiñe tšábenga chamotsemnana, ntšamo chë leyiñe jamama yomna ca iuayancá tmojtsamama. ²² Pero Bëngbe Bëtsabe uabemana palabrënguñe endayana, nyetsca quem luarentša entšanga cachëngbe bacna soyënga jamama juabnëngaca mandánënga imomna ca, chca, Jesucristbeñe ošbuáchiyënga chamobenama ndayá Bëngbe Bëtsá tojašbuachenacá jöyëngacñama. Y chënga, Jesucristbeñe imojtsošbuáchema imojtsebomna ndayá Bëngbe Bëtsá tojanašbuachenacá.

²³ Jesucristbeñe jtsošbuáchiyama entšanga chamobenama tempo joshjanguëntscuana, bënga monjamna corente mandánënga chë léyeca, y chca enjamna mo presënga cuaftsemncá, cárceloca utámenënga. Chë ley chca enjamna, ntšamo entšanga Jesucristbeñe muanjobenaye jtsošbuáchiyama Bëngbe Bëtsá jinyanjyama tempo joshjanguëntscuana. ²⁴ Cristo jabama tempo tonjanoshjanguëntscuana, chë ley bëngbiana enjamna mo canye pamillentsa oservenacá, cha jtsamana chentša básenga chamotsamama ntšamo tšabá tojtsemncá. Chë ley chca yojamna, bënga Crístbeñe jtsošbuáchiyama chamobenama, y chca, Bëngbe Bëtsá chaoma bënga chabe bominyiñe tšábenga chamotsemnana. ²⁵ Pero Jesucristbeñe jtsošbuáchiyama bënga chamotsobenama mora ya tonjóshjangoyeca, chë ley ya ndoñe más quenátsmëna mo canye entsácá, ndayá tšabá yomncá bënga chamotsamama cuaftsamcá. ²⁶ Cristo Jesúsbeñe šmojtsošbuáchema, nyetsca tšëngaftanga šmojobená Bëngbe Bëtsabe básenga jtsemnana, Cristo Jesúseftaca cányiñe mo

canyácá jtsemnëse. ²⁷ Tšëngaftanga tcmonjanëbaye, y chca, Crístoftaca cányiñe mo canyácá šmontsemna. Y mora šmojobená mo cach Crístcá jtsemnana. ²⁸ Chíyeca, ndayá Bëngbe Bëtsá tojamama, judiënga y ndoñe judiënga cachcanga mondmëna; nyets tempo nye ínÿabiama oservëngënga y chë nye cachëngbiana trabájayënga cachcanga, y boyabásenga y shembásengnaca. Nyetsca tšëngaftanga mo canyácá šmondmëna, Cristo Jesúseftaca cányiñe mo canyácá jtsemnëse. ²⁹ Tšëngaftanga Crístbe entšanga šmondmënayeca, šmontsemna mo Abrahámbentsana entšanga cuaftsemncá; y chca, ntšamo Bëngbe Bëtsá Abrahámbioye tbojašbuachenacá, tšëngaftanga šmochanjöyëngacñe.

4 ¹ Atšnaca séntseboše jayanama, chë uaqiñá nda yochjöyëngacñe ntšamo tbojtsotocancá, ntšamo chabe taitá jatšetayama tbojašbuachenacá, cha cabá mo canye basacá tojtsemnëntscuana, ndocna derecho chë soyënguñe ntsebomnana; y chca, cha jtsemnana mo canya nyets tempo nye ínÿabiama oservenacá, masque lempe ntšamo chabe taitá tbojašbuachenacá chë uaqiñabiama tojtsemna. ² Chë uaqiñá tojtsobóchantscuana, entšanga jtsemnana ndëmuanyënga ntšamo cha tbojtsajabotcá jtsoinayana, y ínÿënga jtsejuabnayana ndayá chë taitabe soyëngaca jamama, chë uaqiñá otocana soyëngaca. Y chca jtsemnana, chë taitá tojayana tempëntscuana. ³ Mo cachcá cuaftsemncá, bënga chë ndegombre soyëngama cabá ndosértaye ora, bëngnaca mandánënga monjamna mo nyets tempo nye ínÿabiama oservëngcá, quem luarentše imománda espiriténgaca.

⁴ Pero Bëngbe Bëtsá chabe Uaquiñá quem luaroye tbojanichmó, nãa chama tempo tojanóshjango ora; cha mo nÿetsca entšangcá, canÿe shembásabentšana tojanonÿná, y vojjoyena jtsamëse ntšamo judiëngbe leyinë jamama ibojamna ca yojanayancá jtsamëse. ⁵ Quem luaroye chca tojánabo bënga jabátsebacama, y chamotsobenama Bëngbe Bëtsabe basengcá jtsemnana, bënga chë tempo šonjánamna chë ley jtsobedecénana. ⁶ Y chca, tšëngaftanga ya chabe básenga šmojtsemnana jinÿanÿiyama, Bëngbe Bëtsá chabe Uaquiñabe Espíritu tbojanichmó, nÿetscangbe ainaniñe cháumashënguama, y chë Espíritu endama bënga Bëngbe Bëtsá chamochembo, “Atšbe Taita ca”. ⁷ Mëntšá, cada ona tšëngaftanguentšá ya ndoñe quenátsmëna mo chë nÿets tempo nÿe ínÿabiamá oservenëngcá, quem luarentšë imománda espiriténgaca mandánënga, y aíñe Bëngbe Bëtsabe basa tojoquedá. Y chabe basa tojoquedáyeca, lempe ntšamo Bëngbe Bëtsá chabe básenga jatšatayama tojašëbuachenacá cha echanjóyëngacñe.

Pablo, Galacia luaroquëngbiamá ngmënaca yojtšanjuabnaye

⁸ Tempo, Bëngbe Bëtsá ndoñe šmonjanábuatma ora, tšëngaftanga šmojamna mo nÿets tempo nÿe ínÿabiamá oservenëngcá, ndoñe ndegombre diosënga mondmëna espiriténgaca mandánënga. ⁹ Pero mora, Bëngbe Bëtsábioye šmontsábuatma ora, o tšabá jayanama, Bëngbe Bëtsá cmojtšëbuatma ora, čntšámoyeca tšëngaftanga cachiñe chë quem luarentšë imománda espiriténga šmojtšayaunana? Chënga ndocna obenana quemátsbomna, y

nduámanënga mondmëna. ¿Ndayeca tšëngaftanga šmojtseboše cachiñe jtsemnana mo chë nÿets tempo nÿe ínÿabiamá oservenëngcá, chë espiriténgaca mandánënga? ¹⁰ Tšëngaftanga tša jtsejuabnayana diënguñe, shinÿënguñe, canÿe uatentša tempënguñe y uatënguñe, mo uámana tempëngcá Bëngbe Bëtsá tšabá jadórama, y chama bëts fiestënga jtsebomnana. ¹¹ Atše corente šontsengmena, nderado atšbe trabajo tšëngaftangbeñe tondayama tonjoservé. ¹² Jesucristbeyeca atšbe catšátanga, bëtscá cbontsaïmpadana, šmochtsiyena jtsamëse ntšamo atše sëndamcá, er átšnaca sënjóbema ntšamo tšëngaftanga ndoñe judiënga šmondmëncá. Tšëngaftanga ndocna bacna soye atše chešatsborlá. ¹³ Tšëngaftanga šmondétatšëmbo, atše sënjanobená chë natsana soyama tšëngaftanga chë tšabe noticiënga jábuayenama, canÿe šocana šonjanontšáshjango causa. ¹⁴ Atše canÿe šocana sënjánbomna causa, tšëngaftangbiamá ndoñe paselo quenjatsmëna tšëngaftangbeñe atše jofjana; pero masque chca, tšëngaftanga ndoñe chešmatanaboté, ni quešmatanáboyënja; masna, tšëngaftangbeñe tšabá šmonjanofja; šmonjanofja mo canÿe ángel Bëngbe Bëtsabe ichmoná šmojofjá, o cach Jesucristbioycá. ¹⁵ Ndayá chora tšëngaftangtaftaca enjanopasancá, puerte oyejuayënga tcomjánabiamá. ¿Y mora ndayá tojopasá? Ndegombre, atše sëndétatšëmbo y sentsobena jayanama, tšëngaftanga ndaye sóynaca atšbiamá mašmëñanmama. Chë más uámana šmojánbomna soyënga atšbe cucuatšinë mašmëñánboshjona, y nãa mo chë bominjëngnaca masmëñánenobuchjatsëca atše

jatšetayama. ¹⁶Y morna, ÷ntšamo ndegombre yomncá cbojtsétsétsnama, atšbiana šmojtsejuabná mo tšëngaftangbe uayayá cuaftsemncá ca?

¹⁷Chë ndoñe ndegombre soyënga buátëmbayënga montsinÿinÿná mo tšëngaftangbiana ndegombre tšabá chašmotsiyenama cuaftsebošcá, pero chca ndoñe quenátsmëna; ndayá jamama imojtsebošcá, tšëngaftangbiana ndoñe tšabá quenátsmëna. Chënga montseboše atšbe contra y atšbe buátëmbana soyëngama contra chašmotsemnama, chentšana tšëngaftanga chëngaftaca jtsemnama chašmotsebošama y chënga chašmotsababuánÿeshanama.

¹⁸Puerte tšabá endmëna atše y ínÿenga chafstseboše tšëngaftangaftaca amiguënga jtsemnama, canÿe tšabe soye jamama tojtsemnëse; y sempre chca chauétsemna, tšabiana tojtsemnëse, y ndoñe nÿe atše chentše tšëngaftangaftaca stsemna ora. ¹⁹Tšëngaftanga, chë atšbiana mo atšbe basengcá šmondmënënga, Jesucristbeñe chašmošbuáchema tčbonjanëjabuácheyeca; atše cachiñe séntsesufrina tšëngaftangbe causa, ntšamo canÿe šešona jtsebomnama ora canÿe shembásá jtsesufrinancá; y atše chca chanjéftsesentina, ntšamo Cristo endmëncá tšëngaftangbe vidiñe ndegombre chaojtsebinÿnëntscuana.

²⁰Malaye atše, mora tšëngaftangaftaca stsemna, atše jobenayama jinÿanÿiyama, cach tšëngaftanga jáuyanëse, ntšamo ndegombre atše tšëngaftangbiana tsëséntínana. Atše tša šontsecohëngmena tšëngaftangbiana.

Ntšamo Agar y Sáraftaca tojanopasá

²¹Canÿe soye šmochjauyana, tšëngaftanga chë Moisesbe

léyeca mandánënga jtsemnama šmojtsebošënga. ¿Ntšamo chë leyiñe endayancá tacmojtsésertana? ²²Chiñe endayana, Abraham uta uaquinãta yojánabamna ca; canÿana Agárbeñe, canÿa chabe shembiana nÿets tempo oservená; y chë ínÿana, cachabe shëmbëne, Sara, y mua ndocnabiana nÿets tempo oservená yonjamna. ²³Chë chabe shembiana nÿets tempo oservenabe šešona, tojanonÿná nÿe Abraham y Agar chca chaotsemnama tbojánbošenayeca; y cachabe shembe šešona tojanonÿná, Bëngbe Bëtsá chë soye jamama Abrahámioye tbojanšbuachenáyeca.

²⁴Ntšamo Agar y Sara, y chatbe šešónataftaca tojanopasacá, bënga canÿe uámana soye šontsabuatambá. Ndayá chë uta shembásataftaca tojanopasacá, uta trato entsinÿinÿná: chë shembásá Agar, chë nÿets tempo nÿe ínÿabiana oservená yojamná, entsinÿinÿná chë trato Bëngbe Bëtsá y Israeloca entšángaftaca, chë Moisésoftaca Bëngbe Bëtsá leyënga entšangbe cucuatšiniñe tojanáboshjona ora. Agar básenga yojtšabamna ora, chëngnaca tmojanonÿná nÿe ínÿabiana nÿets tempo oservënënga jtsemnama, y chë tratentša leyiñe soyëngaca mandánënga jtsemnama tmojtsebošëngnaca jtsemnama mo nÿe ínÿabiana nÿets tempo oservënëngcá. ²⁵Ndayá Agáraftaca tojanopasacá entsinÿinÿná chë Sináí batsjoca tmojánbema trato, Arabia luaroca; y chë morsca bëts pueblo Jerusalénëncaca entsinÿinÿná, er chentša entšanga montsemna chë leyëngaca mandánënga. Ntšamo Agar y chabe básenga nÿe ínÿabiana nÿets tempo oservënënga monjamncá, Jerusalenentša entšángnaca cachcá chëngcá mondmëna, chë

leyéngaca nyets tempo mandánënga bétsemnayeca. ²⁶Ndayá Sáraftaca tojanopasacá, chë nÿe cachabiamá trabájaye shembása, entsinÿinÿná chë trato, chë tšabe bendicionënga Abrahambiamá jamama chábioye tbojanšbuachená ora. Chánaca entsinÿinÿná chë Bëngbe Bëtsabe bëts pueblo celoca, Jerusalén ca uabaina pueblo, er chë chentše mochjoyénananga, mora ndoñe quemuátiyena chë leyéngaca mandánënga. Chë Crístbeñe ošbuáchiyënga mondmëna chë celoca bëts pueblo Jerusalenentše joyénanama, y chca, ndegombre chënga mondmëna celocama entsanga. ²⁷Chë celoca Jerusalén endmëna chë ndegombre bëts pueblo chë Jesucrístbeñe ošbuáchiyëngbiama, y chca endmëna mo canÿe shembása šešonga ndabamná y añe chaotsabamnama Bëngbe Bëtsá cuafjamcá. Quem luarentša Jerusalén endmëna chë uámana luare chë léyeca mandánënga imomnëngbiama, y chca endmëna mo canÿe shembása añe boyaftaquécá, er Bëngbe Bëtsabe uabemana palabrengüñe chë shembásatbiama mëntšá endayana:

Shembása šešonga ndabamná, y ndocna te tsetšanënga ndbomná šešona jtsebomnama, moyejuá y moyó oyejuayá cojtsemnama.

Chca moma, er aca, chë shembása chabe boyabiamá utšená, chë shembása boyá bomnabiamá más básenga cochántsabamna ca.

²⁸Chcasna, Jesucrístbeyeca atšbe catšátanga, ntšamo Isaac Abrahambe uaquiñá tojanobemcá, Bëngbe Bëtsá chca Abrahámbioye tbojanšbuachenáyeca; cachcá,

tšëngaftángnaca šmojobená Bëngbe Bëtsabe básenga jtsemnama, Bëngbe Bëtsá chca tojanšbuachenáyeca.

²⁹Ntšamo chë tempo tojanopasacá, chë Isaac chaosufrima Ismael tojanmcá (Ismael, Abrahambe uaquiñá Agárbeñe, chë nÿe chata chca tbojánbošenayeca onÿnaná; Isaac, chë Bëngbe Bëtsabe Espíritbeyeca onÿnaná), mórncaca cachcá entsopasana: chë ndoñe ndegombre soyënga buátëmbayënga judiënga montsama bënga chamosufrima, ntšamo Isaac chaosufrima Ismael yojanamcá. ³⁰Pero, žndayá Bëngbe Bëtsabe uabemana palabrengüñe Abrahambe básatbiama iuayana? Mëntšá endayana: “Moma, chë nyets tempo nÿe ínÿabiamá oservená y chabe basa acbe yebnentšana chábuaisebocnama, er chë nyets tempo nÿe ínÿabiamá oservenabe šešona ndoñe quenátobena chabe taitabe soyënga jtsebomnama. Nÿe chë propio shembe šešona añe, er chë shemna ndoñe nÿe ínÿabiamá nyets tempo oservená quenátšmëna.” ³¹Chcasna, Jesucrístbeyeca atšbe catšátanga, bënga ndoñe quemuátšmëna mo canÿa nÿe ínÿabiamá nyets tempo oservenabe básenga cuaftsemncá, er mora ya ndoñe más quemuátšmëna chë léyeca nyets tempo mandánënga. Y añe montsemna mo canÿe shema ndoñe nÿe ínÿabiamá nyets tempo oservenabe básenga cuaftsemncá, er Bëngbe Bëtsabe básenga bënga mondmëna.

Cristo bënga šojatsebacá

5 ¹Cristo bënga šojatsebacá, ndoñe más mo chë nyets tempo nÿe ínÿabiamá oservenëngcá chamondëtsiyenama, chë léyeca mandánënga. Nÿa šmochtsentšena nyets tempo chca atsebácánënga

chašmoquedama, y ndoñe šmatjaleséncia tšəngaftanga cachiñe chē léyeca mandánənga ínŷenga chácmbiamama.

²Tšabá šmochjouena. Atše Pablo cbéyana: Nderado tšəngaftanga ndoñe judiənga, šmojalesenciá ínŷenga chē tšəngaftangbe más delicadentše base bobachtema chamotētšama, ntšamo judiənga monduamancá, asna, ndayá Cristo tšəngaftangbiamama tojanmcá tondayama nantsoservena. ³Ndėmuanŷe entšánaca, nda tojalesenciá ínŷenga chabe más delicadentše base bobachtema chamotētšama, cachiñe cha šcobuayená: Mora aca cmontsemna nŷetsca chē judiəngbe leyentša mandənga jtsobedecénana.

⁴Ndėmuanŷenga tšəngaftangbentšana šmojtsenguá, Bəngbe Bėtsabe bominyiñe tšábənga jtsemnana, ntšamo leyiñe jamama yomna ca iuayancá jtsaməse, tšəngaftanga chca šmojtsamama, šmojama Crístoftaca cányiñe mo canŷacá ndoñe chašmondėtsemnana; Bəngbe Bėtsábentšanənaca šmojtsoluaré, y chca, šmontsinŷanŷná tšəngaftanga ndoñe šmontseboše, Bəngbe Bėtsá tšəngaftangbe tšabiamama jtsejuabnayəse, chácmatsebacana. ⁵Pero bənga, Bəngbe Bėtsábeñe jtsošbuáchiyėse, mondobátmana cha yochjama bənga chabe bominyiñe tšábənga nŷets tempo chamotsemnana. Y bənga chca mondobátmana, Jesucristbeñe ošbuáchiyana bómnayeca, y chē ošbuáchiyana chē Uámama Espíritbiajana bəngbiyoye endobá.

⁶Er Crístoftaca cányiñe mo canŷacá tmojtsemna ora, aíñe base bobachtema tėtšenənga tmojtsemna o ndoñe, tondaye ntsámanana; ndayá puerte enduámama endmėna chē

Jesucristbeñe bənga mondbomna ošbuáchiyana, y chca bėtsebomnamna bənga montsinŷanŷná ínŷenga jtsababuánŷeshanəse.

⁷Tšəngaftanga tšabá šmonjánama, chē jtsiyenana ntšamo Bəngbe Bėtsabe ndegombre soyənga yomncá jtsaməse. Y mora, čnda tojama tšəngaftanga chašmotsajbanama chē Bəngbe Bėtsabe ndegombre soyənga jtsuenanama? ⁸Ndegombre, Bəngbe Bėtsá ndoñe quenátsmėna, er cha tšəngaftanga tcmojáchembo chabe entšanga chašmotsemnana. ⁹Ntšamo entšanga mondėtšayancá: “Nŷe base levadura jamana nŷetsana chauabochama ca”; cachcá, tšəngaftanga chē judiəngbe básefta leyəngaca mandánənga jtsemnana šmojabojátšese, šmuatjábocna nŷetsca leyəngaca mandánənga. ¹⁰Bənga Bəngbe Utabnáftaca cányiñe mo canŷacá bėtsemnayeca, atše corente séntsetatšəmbo, ntšamo atšbe juabna yomncá tšəngaftangnaca cachcá šmochtsejuabnayama; y átšnaca corente séntsetatšəmbo Bəngbe Bėtsá puerte bochjacistíga, nda tšəngaftanga natjėmbana ainánaca ndoñe chašmondėtšiyenama tojtsamábioye, masque ndánaca cha chaotsomñe.

¹¹Y atšbiamama chanjayana, Jesucristbeyeca atšbe catsátanga, Jesucristbeñe ošbuáchiyənga base bobachtema chəngbe más delicadentše tėtšenənga chamotsemnana entšanga cabá stsbuayiynase, entšanga ya ndoñe muantsama atše chaitsesufrínama. Atše chca stsaməse, Cristo cruciñe tojanóbanama ntšamo iuayancá entšanga stsbuayiyná ora, chənga ya ndoñe átšeftaca nanjósentiaye. ¹²Pero chē natjėmbana ainánaca ndoñe chašmondėtšiyenama imojtsaməngna, imalaye cachənga muanjenocbóna!

¹³ Pero tsëngaftanga, Jesucrístbeyeca atšbe catšátanga, Bëngbe Bëtsá tcmojáchembo chë judiëngbe léyeca ndëmandánënga chašmotsemnana. Pero chca bétsemnana, mora ndoñe šmatjátsjuabnaye šmojtsobena jalesénciana, nÿe tsëngaftangbe cuerpënga tšabá chamotsemnana juabnéngaca mandánënga jatiyenana. Chamna, tsëngaftanga šmuenbobonshánayeca, nÿetscanga šmochtsenájabuachana. ¹⁴ Er ntšamo Moisesbe leyentša nÿetsca mandënguine endayancá, nÿe canÿe mandíne lempe chca entsayana. Y chë mando endmëna: “Ndëmua entšánaca cochtsebobonshana ntšamo cach aca cuenobobonshancá.” ¹⁵ Pero ínÿenga chamotsesufrínana jtsamëse tsëngaftanga šmojtsiyenëse, mo tšátjaye bayënga tmojtsenashantsná y tmojtsenobanacá, cuedado šmochtsébomna. Ndóñese, nÿetscanga šmatjänenpochocaye.

**Ntšamo chë Bëngbe Bëtsabe
Espíritbeyeca vida jtsebomnana**

¹⁶ Chíyeca cbochjáuyana: Nÿets tempo šmochtsiyena ntšamo chë Uámana Espíritu cmojtsamëndacá, y chca, tsëngaftanga ndoñe quešmochátama soyënga, nÿe cach tsëngaftanga tšabá jtsomñana juabnéngaca. ¹⁷ Er ndayá bënga, nÿe entsangbe juábnaca jamama mondbošcá, jtsemnana ndayá chë Uámana Espíritu bënga chamomama yobošcá contra; y ndayá chë Uámana Espíritu bënga chamomama yobošcá, jtsemnana ndayá bënga, nÿe entsangbe juábnaca jamama imobošcá contra. Chca endmënayeca, ntšamo chë Uámana Espíritu chašmomama yobošcá šmojtsamëse, ndoñe quešmátobena jamana, ndayá cach

tsëngaftanga, nÿe entsangbe juábnaca jamama šmojtsbošcá. ¹⁸ Tsëngaftanga, ntšamo chë Uámana Espíritu cmojtsamëndacá šmojtsamëse, ndoñe quecmátamna ntšamo chë leyíne iuayancá játamama.

¹⁹ Ntšamo entsanga, nÿe entsangbe juábnaca tmojtsamcá, nÿetscanga paselo jtsonÿayana: chënga bacna soye boyabása o shembásaftaca jtsamana, nÿe chca soyëngama jésejuabnayana, y ndoñe ntšobenana cachënga jenomándama, chca soyënga jtsamëse. ²⁰ Ba uabouana soyënga jtsamana, diosënga yomna ca tmojtsjuabná soyënga jadórama, jtsencjuanayana, ínÿengaftaca jtšenáyayana, nÿetscanga ndoñe cachcá chamondëtsejuabnana jtsamana, ínÿengaftaca yapa jtšenántšabošana, soyënga nÿe rábiaca jtsamana, ínÿengaftaca tša jesenaleganana, y cánÿenga ínÿengaftaca contra chamotsemnana jtsamana. ²¹ Nÿe jtsebošana ntšamo inÿa tojatashjachcá jtsebomnana, yapa tmoyënga jtsemnana, fiestënguine ndoñe tšabe soyënga jtsamana, y inÿe soyëngaca mo chë soyëngcá jtsamana. Y mora atše cbaúayená, cach ntšamo tempo sënjanmcá: chca soyënga jtsamëse oyenënga, Bëngbe Bëtsabe amëndayoca ndoñe luare quemochátsbomna.

²² Pero, Uámana Espíritu ainaniñe tojtsemánda ora, quem soyënga chentšana jóbocnana: nÿetscanga jtsababuánÿeshanana, jtsóyejuayana, natjémbana ínÿengaftaca jtšiyenana, puerte uantado nÿetsca padecéniñe jtsemnana, nÿetscanga corente bonshanánaca jtšénÿayana, tšabe ainana jtsebomnana, y nÿetscañe tšabe palabra bomnënga jtsemnana, ²³ jtsejuabnayana chë ínÿenga mo chabiama más uámanënga

cuatsemná, y cachá nyetsca soyënguïñe jenomándama jtsobenana. Y ndocna ley quenátsmëna, chca soyënga tmojtsama entšangbiamá contra cháuyanama. ²⁴ Jesucristbenga imomnënga tmojama, chënga chë nye entšangbe juabnéngaca mandánënga ndoñe ntsemnama; ya ndoñe más, chë nye cachënga tšabá jtsomñama bacna juabnéngaca mandánënga quemátsmëna, y chë nye cachëngbiamá soyënga jamama bëtsca juabnéngaca cach ndoñe. ²⁵ Bënga ndegombre tšabe vida chamotsebomnama Uámana Espíritu yojtsámayeca, bënga mochsiyena jtsamëse lempe ntšamo Uámana Espíritu šojtsamëndacá. ²⁶ Ndoñe šmattsenábotamnaye, uámanënga jatenobiamnayëse, ndoñe soyënga mattsama ínÿenga bëngaftaca chaoséntiayama, y ndoñe nye mochjásboše ntšamo inÿa tojatashjachcá jatsbomnama.

Nyetscanga šmochtsenájabuachana

6 ¹ Jesucristbeyeca atšbe catsátanga, nderado ndánaca bacna soye tojamama šmojinÿe, tšëngaftangbentše ntšamo chë Bëngbe Bëtsabe Espíritu tojtsemandacá tmojtsamënga cmontsamna cha juajabuáchana, chë ndoñe tšabe soye amana chaotsajbanama; pero chca šmochjama becá bonshanánaca jtsonÿayëse. Cuedado šmochtsebomna, er ndoñese, tšëngaftángnaca cmatjócochëngo cachcá soye jamama. ² Chë soyënguïñe chašmojtsepadecena ora, šmochtsenájabuachana, mo chë uauta uasmanëshangá šmojtsëyambá ora, juyabama šmojtsenájabuachancá. Y chca chašmojtsama ora, ntšamo Cristo tojanmandacá šmochantsocumplina.

³ Nderado nda tojtsejuabná, cha canÿe uámana entšá yomna ca,

pero ndoñe chca cha tondmënëse, cachá jtsenoíngñayana. ⁴ Cada ona chauenojuabó, ntšamo tojamcá tšabá o ndoñe tšabá bëtsemnama. Ntšamo tojamcá tšabá tojtsemnëse, chca tojamama oyejuayá chaotsemna; pero cha ndoñe quebnátsmëna jayanana ntšamo tojamcá tšabá yojtsemna ca, chë ndayá ínÿenga tmojamama más tšabá yojtsemna ca jatichámëse. ⁵ Er cada ona bontsemna jtsenójuabnayana, jtsetatšëmbuama ntšamo tojamcá tšabá o ndoñe tšabá bëtsemnama.

⁶ Nda Bëngbe Bëtsabe soyëngama tojtsatsjendá, cha bontsemna chabe buatëmbayáftaca nyetsca tšabe soyënga jenájatayana.

⁷ Ndoñe matenoíngñana; ndoñe šmattsejuabnaye tšëngaftanga šmojtsobena ntšamo Bëngbe Bëtsá tojamandacá ndoñe ntjamana, castigo ntjoyëngacñëcá, er ndocná quenátobena Bëngbe Bëtsá jaíngñana. Ntšamo entšanga mondëntšayancá: “Ndayá tcojajé y cachcá josháchiñana ca.” ⁸ Mo nda ndoñe tšabe fshantsiñe tojajecá, tšabe shajuana ndoñe ntjoshachiñana, cachcá, nda tojtsiyena nye cachá tšabá jtsomñama bacna juabnéngaca, cha echanjábocna jabuache castiganá nyetsca tescama. Pero mo nda uaba fshantsiñe tojajecá, tšabe shajuana josháchiñana, cachcá nda tojtsiyena ntšamo chë Uámana Espíritu tojtsemandacá jtsamëse, chë nyetsca tescama yomna tšabe vida echántsebomna. ⁹ Chcasna, ndoñe chašondëmantšé tšabe soye jtsamama; er masque šojtsëmantsnasna, pero chë tšabe soyënga jtsamama ndoñe tmonjajbanase, canÿe bëts te echanjóshjango, bënga bëtsca tšabe soyënga josháchiñama, mo tša tšabe shajuanënga tmojashaquëcá. ¹⁰ Chíyeca, tmojtsobena ora, nyetscangbiamá

tšabe soyënga mochjama, pero masna chë Jesucristbeñe ošbuáchiyana bómnyeca, bëngcá Bëngbe Bëtsabe básenga imomnëngbiana.

**Quem tsbuanácha juapochócama
cach Pablo tojanábema**

¹¹ iŠmochjinÿe, tša bëts letrëngaca cach atšbe cucuátšeca mora cbontsëbuabiamná!

¹² Ndëmuanÿenga imojtseboše, tšëngaftanga chë ndoñe judiënga jamëndama tšëngaftangbe más delicadentše base bobachtema tëtšënga chašmotsemnama, ntšamo judiënga monduamancá, chënga chca jtsamana nÿe chë judiëngaftaca tšabá joquédama. Y chca jtsamëndayana, chënga chamosufrima ínÿenga chamotsamama ndoñe mondbóseyeca; er judiënga muanjama chënga chamosufrima, Cristo cruzoca jóbanana entšangbiana puerte iuámana ca chënga tmojtsabuayinase. ¹³ Pero ni mo chë más delicadentše base bobachtema tëtšënga imomnënga, ndoñe quemátama lempe ntšamo chë leyinë iuayancá. Pero chënga jtsebošana tšëngaftanga chca tëtšënga chašmotsemna, chënga jtsenábotamnayama jobenayama, ínÿenga base bobachtema chacmatëtšama tšëngaftanga šmojalesenciam.

¹⁴ Atšeftacna ndocna te chca chaondopasá. Atše nÿets tempo y

becá chanjëfťsóyebuambnaye ndayá atšbiana Bëngbe Utabná Jesucristo tojanmama, cha cruzoca tojanóbana ora; er ndayá choca tojanma sóyeca, atšbiana tondaye quenatámana ntšamo entšanga quem luarentše imojuabnacá y chëngbiana puerte iuámana; y ndayá atšbiana puerte iuámana, entšangbiana tondaye quenatámana; y chë causa, atše chëngbiana mo obanacá sëndmëna. ¹⁵ Chë más delicadentše base bobachtema aiñe tëtšená o ndoñe, tondaye quenatámana. Ndayá puerte iuámana endmëna, Bëngbe Bëtsá mo tsmëma entšangcá bënga šojábiana, Uámana Espíritu bëngbe ainaniñe jtsemándayëse. ¹⁶ Chë quem buatëmbana sóyeca jtsamëse šmoyenëngbiana, atše, Bëngbe Bëtsá séntseimpadana, cha chaoma tšëngaftangbe ainana natjëmbana chašmotsebomnama y becá chacmotsalastemánama; y ndoñe nÿe chëngbiana chca quetsatsimpadana, ndayá nÿetscanga Bëngbe Bëtsabe entšanga imomnëngbiámna.

¹⁷ Y mora, nÿe canÿe soye cbochjáuyana: morskana ndocná chaondëtsama atše jasúfriama chašotsemnama; er atšbe cuerpiñe endëtinÿna ntšamo atše tijasufrí, Jesusbe oservená bëtsemnama.

¹⁸ Jesucristbeyeca atšbe catšátanga, atše séntseimpadana Bëngbe Utabná Jesucristo chaoma tšabe bendicionënga tšëngaftangbeñe chaotsemnama. Chca chaotsemna.